

Broj: 01-04-13-06825/2025

Datum, 10.11.2025.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Predsjedavajući/Predsjedatelj- Dragan Mioković
veza vaš akt broj: 05/1-02-586/25 od 23.10.2025. godine

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primijeno: 19-11-2025			
Org. jed.	Broj	Priloga	Vrijednost
05/1	- 02 -	586	/25

n/p – zastupnik Admir Čavalić

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE
n/p- generalna sekretarka - dr.sci. Edita Kalajdžić

PREDMET: Odgovor na zastupničko pitanje, dostavlja se, -

Poštovani,

Federalna uprava za inspekcijske poslove zaprimila je dana 27.10.2025. godine zastupničko pitanje koje je postavio zastupnik Admir Čavalić vezano za rad Bloka 5 TE Tuzla.

Naime, uvaženi zastupnik je, obzirom da su se u javnosti pojavile informacije da je u ponedjeljak 21.10.2025. godine odobreno hitno isključenje bloka 5 iz pogona u večernjim satima, čime je od utorka u potpunosti obustavljena emisija prašine i zagađenja u atmosferu iz ovog postrojenja, zatražio od Federalne uprave za inspekcijske poslove informaciju o tome da li su inspekcije pratile pomenuti slučaj.

S tim u vezi, obavještavamo Vas da Federalna uprava za inspekcijske poslove, putem nadležnih inspekcija, kontroliše i rad pravnog lica JP Elektroprivreda BiH, Podružnica TE Tuzla, u sklopu kojeg je i Blok 5.

Inspekcije koje su vršile kontrolu blokova TE Tuzla su: Federalni urbanističko-ekološki inspektorat i Federalni rudarsko, termo i elektro-energetski inspektorat, koji su dali učešće u pripremi sljedećeg odgovora:

Federalni urbanističko-ekološki inspektorat:

Postupajući federalni inspektor zaštite okoliša Federalnog urbanističko-ekološkog inspektorata nadležnog za predmetno pitanje, izvršio je inspekcijski nadzor dana 24.10.2025.

godine nad operatorom JP Elektroprivreda BiH, Podružnica Termoelektrana Tuzla te utvrdio sljedeće:

- Povećanje emisija prašine u odnosu na projektovane vrijednosti izazvano je kvarom na sistemu transporta šljake i pepela na Bloku 5, usljed čega je elektrofilter Bloka 5 radio sa smanjenim kapacitetom;
- Povećanje emisija prašine u odnosu na projektovane vrijednosti na Bloku 5 evidentirano je 20.10.2025. o čemu je operator obavijestio nadležno Ministarstvo i inspekciju istog dana dopisom broj: 02-51-3-11020-1/2025 od 20.10.2025. godine;
- Blok 5 je izašao iz pogona 21.10.2025. godine u 23:23h o čemu je operator obavijestio nadležno Ministarstvo;
- Povećanje emisija prašine u odnosu na projektovane vrijednosti je trajalo od 19.10. do 21.10.2025. godine u 23:23h kada je blok 5 izašao iz pogona. Operator je predočio izvještaje s automatskog mjernog sistema za period 19.10.-21.10.2025. godine. Prema izvještajima s automatskog mjernog sistema emisije zagađujućih materija u zrak su iznosile:
 - Za 19.10.2025. godine
 - Prašina: minimalno=272,86 mg/m³N, maksimalno=313,36 mg/m³N; SO₂: minimalno=3186 mg/m³N, maksimalno=3515,82 mg/m³N; NO_x: minimalno=501,51 mg/m³N, maksimalno=613,99 mg/m³N;
 - Za 20.10.2025. godine
 - Prašina: minimalno=274,44 mg/m³N, maksimalno=298,40 mg/m³N; SO₂: minimalno=3075,47 mg/m³N, maksimalno=3613,31 mg/m³N; NO_x: minimalno=461,01 mg/m³N, maksimalno=577,06 mg/m³N;
 - Za 21.10.2025. godine;
 - Prašina: minimalno=259,94 mg/m³N, maksimalno=393,48 mg/m³N; SO₂: minimalno=3049,02 mg/m³N, maksimalno=4007,62 mg/m³N; No_x: minimalno=385,99 mg/m³N, maksimalno=596,56 mg/m³N.

Uvidom u Okolinsku dozvolu operatera broj: UPI 05/2-02-19-5-242/21 MK od 1.8.2022. godine, izdatu od strane Federalnog ministarstva okoliša i turizma, postupajući inspektor je utvrdio da predmetnom Okolinskom dozvolom operateru nisu definisane granične vrijednosti emisija zagađujućih materija u zrak, te da se odredbe Pravilnika o graničnim vrijednostima emisija zagađujućih materija u zrak („Službene novine Federacije BiH“, broj: 3/13 i 92/17) ne odnose na operatora, budući da je obuhvaćem Nacionalnim planom smanjenja emisija (NERP), u skladu sa članom 4. Pravilnika o izmjenama i dopunama Pravilnika o graničnim vrijednostima emisija zagađujućih materija u zrak („Službene novine Federacije BiH“, broj: 92/17).

Imajući u vidu da navedeno ograničava nadzorne aktivnosti i donošenje pravno osnovanih upravnih mjera kao i izricanje prekršajnih naloga, postupajući inspektor zaštite okoliša je dana 24.10.2025. godine dopisom broj: UP1-10-19-3-02992/2025-1008-7-P od Federalnog ministarstva okoliša i turizma zatražio pojašnjenje u kojem će se navesti primjenjive granične vrijednosti za postrojenja obuhvaćena NERP-om, kao i dodatno usklađivanje Okolinske dozvole sa aktuelnim stanjem, uzimajući u obzir činjenicu da se predmetna Okolinska dozvola temelji na izgradnji Bloka 7, a što je u potpunosti obustavljen projekat.

Nadalje, inspekcijskim nadzorom je utvrđeno da operator vrši kontinuiranu internu kontrolu ispravnosti elektrofiltera kao i njegu odnosno remontne aktivnosti elektrofiltera, što potvrđuje izvještajima o radu na elektrofilteru bloka 5 od 27.2.2025., 14.3.2025., 29.5.2025. i 24.7.2025. godine. Efikasnost elektrofiltera operator provjerava interno naponskim probama.

Takođe, utvrđeno je da je operator izvršio provjeru usklađenosti automatskog mjernog sistema sa zahtjevima standarda BAS EN 14181, prema Certifikatu o usklađenosti sistema za kontinuirani monitoring na Bloku 5, broj: 11-13-5946/25, TQM Lukavac od 27.8.2025. godine, kojim se potvrđuje da je kontinuirani sistem za monitoring emisije zagađujućih materija u zrak uspješno prošao nadzor inspekcijskog tijela, te je usklađen sa zahtjevima standarda BAS EN 14181. Takođe, operator je izvršio provjeru ispravnosti automatskog mjernog sistema na Bloku 5, u skladu sa procedurom AST, što potvrđuje Izvještajem broj: 6-27-133-25 od 13.1.2025. godine, TQM Lukavac.

Na osnovu izvršenog inspekcijskog nadzora, a uzimajući u obzir činjenicu da je operator već bio postupio u skladu sa odredbama člana 51. Zakona o zaštiti zraka („Službene novine Federacije BiH“; broj: 72/24), te obustavio rad Bloka 5, postupajući inspektor je Rješenjem broj: UP1-10-19-3-02992/2025-1008-8-P od 27.10.2025. godine naložio otklanjanje kvara koji je doveo do povećanja emisije prašine na Bloku 5, prije ponovnog pokretanja Bloka 5.

Dana 07.11.2025. godine operator je dostavio obavještenje o ulasku Bloka 5 dana 06.11.2025. godine, nakon završetka radova na sanaciji kvara postrojenja Bloka 5 koji je uzrokovao povećanje emisije prašine i izlazak Bloka 5 iz pogona dana 21.10.2025. godine.

Bitno je istaći da, prema NERP-u, najkasnije do 31.12.2027. godine stvarne emisije moraju dostići maksimalne emisije za 2027. godinu, tako da nakon tog datuma sva postrojenja koja ostaju u radu moraju biti usklađena sa graničnim vrijednostima emisija u skladu sa Prilogom I-III, pod B Pravilnika o graničnim vrijednostima emisija u zrak iz postrojenja za sagorijevanje („Službene novine Federacije BiH“, broj: 92/17), odnosno termoblokovima bez postrojenja za odsumporavanje i denitrifikaciju zabranjuje se rad nakon isteka 2027. godine.

Federalni rudarsko, termo i elektro-energetski inspektorat:

- Federalni inspektori elektro-energetike su izvršili inspekcijski nadzore na Bloku 5 TE Tuzla u maju 2023. godine i septembru 2024. godine. Cilj nadzora je bio da se utvrdi stanje pogonske ispravnosti i sigurnosti elektroenergetskih postrojenja Bloka 5. Tokom navedenih inspekcijskih nadzora nisu uočeni propusti subjekta nadzora po kontrolisanim pitanjima;
- Federalni inspektor elektro-energetike je izvršio početkom novembra 2025. godine inspekcijski nadzor Bloka 5 u TE Tuzla na okolnosti isključenja Bloka 5, zbog enormno povećane emisije prašine na ispustu Bloka 5, te održavanja i ispravnosti elektrofilterskog postrojenja Bloka 5, pri čemu je utvrđeno sljedeće:
 - Subjekt nadzora je u periodu od 01.03.2025. do 15.03.2025. godine izvršio remont elektrofilterskog postrojenja i ostalih elektroenergetskih postrojenja Bloka 5 TE Tuzla. **Elektrofilteri su ispravni za rad;**
 - Otežan ili onemogućen rad elektrofiltera, a zbog čega je došlo do povećane emisije prašine na ispustu Bloka 5, je uzrokovan povećanjem nivoa pepela u koševima elektrofiltera, zbog tehnoloških problemima u radu mašinskog postrojenja pneumatskog transporta pepela;

- Federalni rudarsko, termički i elektro-energetski inspektorat će putem nadležnih inspektora nastaviti sa kontrolom provođenja propisa koji se odnose na stanje pogonske ispravnosti i sigurnosti elektroenergetskih postrojenja.

S poštovanjem,

M.P.  **DIREKTORICA**
Ivana Prvulović

PD

Dostavljeno:

1. Predsjedatelj Zastupničkog doma- Dragan Mioković
2. Admir Čavalić – zastupnik;
3. Generalna sekretarka Vlade FBiH- dr.sci. Edita Kalajdžić
4. a/a